



Inatsisartunut ilaasortaq, Hans Enoksen, Naleraq
/Maani

§ 37 naapertorlugu apeqqummut nr. 2024-69-imut akissut

Inatsisartut Suleriaasianni § 37, imm. 1 naapertorlugu ingerlatseqatigiiffiit akiitsui pillugit tulliuuttut Naalakkersuisunut apeqquteqarputit.

Apeqqutigineqartut tullinguuttuni akineqarput.

§ 37 naapertorlugu apeqqummut akissuteqarnermi maluginiarneqarsimavoq, apeqqutip 1a-p kalaallisut danskisullu oqaasertalerneqarneri assigiinngitsuusut, taamaammat akissuteqaammi apeqqutit kalaallisut allassimasut tunngavigineqarput.

Apeqqut 1. Nunatsinni suliffeqarfissuit pigisagut inuiaqatigiit pigisaat ataatsimut qanoq annertutigisunik attartukkaminnik aningaasanik qanoq annertutigisumik akiitsoqarpat? Suliffeqarfiit immikkoortitaarlugit akitsui akiitsuisalu erniaat ilanngullugit?

Akissut:

Namminersorlutik Oqartussat aktianik piginneqatigiiffii pillugit nassuiaammik, ukiut tamaasa Naalakkersuisut Inatsisartunut saqqummiussisarput. Paasissutissat ujartorneqartut nassuiaammi ilaareerput. Kingullertut saqqummiussami ukiumoortumik nalunaarusiami 2022-meersumi ima allaqqasoqarpoq:

2022-mi aktiaateqarluni ingerlatseqatigiiffinni suliffeqarfinnilu namminersortitani Namminersorlutik Oqartussanit pigineqartuni kisitsisit pingaarnerit (mio. kr.)

	Ilangaaseereerluni kaaviiartitat	Ukiumi angusat	Akiitsut	Namminerisamik aningaasaatit
Namminersorlutik Oqartussat aktiaateqarluni ingerlatseqatigiiffiit pigisaat				
Air Greenland	1.542,90	58,6	1.426,40	692,5
Great Greenland	17,9	2,8	15	23
Nalik Ventures	-3,3	-82,6	135,6	331,6
Greenland Oil Spill Response	4,1	-10,3	1,2	0,6
Illuut	71,4	25,4	921,2	256,5
INI	99,5	0,4	17	71,8
Kalaallit Airports Holding	23,4	-148,7	4,5	1.679,20
KNI	2.997,40	234,7	883,4	1.379

NunaGreen (Nunaoil)		0	1,6	14,3	4,1
Royal Arctic Line		1.165,80	-73,7	920,4	637,6
Royal Greenland		5.756,60	186,5	4.551,90	2.062,10
Sikuki Nuuk Harbour		63,1	13	467	151,5
Tusass		795	116,3	147,1	1.250,20
Visit	Greenland	17,9	0,9	2,6	5,7
Tamakkerlugit		12.551,70	407,50	9.507,60	8.545,40

Apeqquut 1a. Suliffeqarfiit ataasiakkaarlugit qanoq annertutigisunik akiitsaqarpat?

Akissut:

Apeqquut 1-imut akissutigineqartoq takoqquneqarpoq.

Apeqquut 2. Suliffeqarfissuit akiitsuutai qaffakkaluttuinnassappata Naalakkersuisut qanoq iliussappat?

Akissut:

Namminersorlutik Oqartussat aktianik piginneqatigiiffii pillugit Naalakkersuisut Inatsisartunut ukiumoortumik nassuiaasiortarnerini, ingerlatseqatigiiffiup pineqartup inissisimanagera Naalakkersuisut isummerfigissavaat, kisiannili Namminersorlutik Oqartussat aktianik piginneqatigiiffii aningaasatigut illersorneqarsinnaasumik ingerlanneqarnissaat kiisalu Namminersorlutik Oqartussat aktianik piginneqatigiiffii inuiaqatigiinnut kalaallinut tunniussaqaarnissaat, Naalakkersuisut qaqugukkulluunniit sulissutigissavaat.

Ilisimatitsissutigisinnaavara, aqutsinermut inaarutaasumik allagaatissap "Naalakkersuisut piginnittuunermut tunngatillugu aqutsinermut allagaataat 28. marts 2023-meersoq – Ingerlatseqatigiiffiit Namminersorlutik Oqartussanit pigineqartut" suliarinerani, ingerlatseqatigiiffiit pisariaqanngitsumik qaffasissumik akiitsunnginnissaannut imaluunniit nunatta karsianut aarlerinartorsortitsinnginnissaannut qulakkeerisussanik ingerlatseqatigiiffinnut tunngavissat ilaat nassuiarneqassammata, taamaaliornikkullu akiitsoqarneq pillugu politikki suliarineqassammat.

Inussiarnersumik inuulluaqqusillunga



Múte Bourup Egede